



UNIVERSITÄTS-
BIBLIOTHEK
PADERBORN

Universitätsbibliothek Paderborn

Methodus Clara Et Facilis Vacandi Orationi mentali Atque Exercendi se cum fructu in præsentia Dei

Coloniæ Agrippinæ, 1687

Caput XXV. De defectuum in Capitulo sive culparum exercitio correctione.

[urn:nbn:de:hbz:466:1-46004](https://nbn-resolving.org/urn:nbn:de:hbz:466:1-46004)

mat, ac secretæ de se ipso præsumptioni me-
deatur. 3. Ne nimia familiaritas cum ipso in-
tercedat, neve ea ratione faciat, ut supervaca-
neis sermonibus tempus inutiliter transiga-
tur. 4. Ut ea, quæ ille semel ipsi dixerit, stu-
diosius animadvertat, ut alia illa ei in occasio-
ne deserviant.

CAPUT XXV.

*De defectuum in Capitulo, si ve cul-
parum exercitio correctione.*

PER humilem culparum ac noxarum no-
strarum coram Superioribus nostris accu-
sationem, & amicam, quam ab ipsis recipi-
mus correctionem, Diabolus uno horæ qua-
drante amittit, integra de nobis hebdomada
quidquid lucri reportaverit. Verùm insignem
de nobis referret victoriam, si illas agnoscere
ac fateri cùm deberemus, eas ut occultare-
mus, aut defendere satageremus, persuaderet:
atque ea ratione nos in periculosum omnino-
que infelicem in immortificationibus nostris
obstinationis statum reduceret, sicque demum
laberemur in incorrigibilitatem, quæ ultra o-
mnem modum reformidanda est Religiosis,
quia certissimum iter est ad æternam con-
demnationem.

Porrò fructus ejusmodi humilis noxarum
accusationis omnino eximii sunt. Etenim
ubi ipsas coram Fratribus nostris ipsi condem-
namus, eas abolemus, animas nostras purga-
mus, perversum, quod dedimus, reparamus
exemplum, satis justitiæ divinæ facimus, con-

H h 5 fusio-

fusionem, quam ob illas in divino iudicio subire haberemus, effugimus, in vera humilitate ac sancto nostrimetipsorum despectu proficimus: Disciplinam Religiosam servamus, atque ipsam Religionem, in statum deteriorum ne prolabatur, impedimus, quia vel minimæ noxæ radices in illa nullas agere poterat, quando absque correctione non remanebunt. Quin & ipsa natura, quam pudet scæpius apparere imperfectam, non audebit in posterum in easdem noxas relabi, quia in publico porrò confundi timebit.

„ *Directio.* Ecce hic locus est, Domine, in
 „ quo superior noster *vel* Director noster no-
 „ xarum nostrarum cognitionem habet insti-
 „ tuere, illas ut corrigat, oro te, hanc mihi gra-
 „ tiam ut concedas, ut humiliter accipiam,
 „ quæ mihi daturus est monita atque consilia,
 „ patienter feram quam erga me exercebit
 „ correctionem, atque exactè adimpleam,
 „ quam mihi injunget pœnitentiam, tam pro
 „ noxis meis satis ut faciam, quàm ut offen-
 „ diculum ac perversum, quod fratribus meis
 „ præbui, exemplum resarciam. Virgo San-
 „ ctissima, præsidem, oro, agas hujus congrega-
 „ tionis, ut omnes ritè de nostris admoniti
 „ erratis sancti ordinis tui ad finem usque
 „ mundi splendorem servemus ac vigorem,
 „ Amen.

*Sententiæ ex sacris literis accuratè
 consideranda.*

Eccli. 10.
28.

Prov. 9. 8.

6. 15. 10.

Vir prudens & disciplinatus non murmurabit correptus.

Argue sapientem & diliget te.

Qui

Qui increpationes odit, morietur.

c. 15. 10.

*Viro, qui corripientem dura cervice contem-
nit, repentinus ei supervenet interitus.*

c. 29. 1.

*Meliora sunt vulnera diligentis, quam frau-
dulenta oscula odientis.*

c. 27. 6.

*Plus proficit correptio apud prudentem, quam
centum plagæ apud stultum.*

c. 17. 10.

Devotæ affectiones.

*Bonum mihi, Domine, quia humiliasti me, ps. 118. 71.
ut discam justificationes tuas.*

*Letati sumus pro diebus, quibus nos humi-
liasti: annis quibus vidimus mala.*

89. 15.

*Peccavi, & verè deliqui, & ut eram dignus,
non recepi.*

Iob. 33. 27.

Da, Domine, servo tuo cor docile.

3. Reg. 3. 9.

Anima irreverenti & infrunitæ ne tradas me.

Eccli. 23.

In quibusdam Majoribus anni festivitati-
bus superior, qui audiat culpas, generalem
impertitur absolutionem, pro qua ritè perci-
pienda interius quis dicere poterit: Hodie
Domine, omnes præteritas noxas meas per-
petua sepelire vis oblivione. Gratiam mihi,
obsecro quoque istam concede, in illas ullo
unquam ut tempore ne relabar, ut in Ordi-
nis ac Religionis & sacrarum legum custo-
diam exactiùs ac diligentius incumbam, &
Fratribus meis exemplo meliori præluceam.
Hanc gratiam, Virgo Sacratissima, tua mihi
intercessione concedendam confido.

CAPUT XXVI.

*Humiliationes ac Mortificationes ali-
bi quam in capitulo subeunda.*

Superiores ac vitæ spiritualis Magistri, ex-
per-